

Հաստատված է



ՀՀ ԳԱԱ ԳԿՄԿ գիտական խորհրդի
«15» դեկտեմբերի 2021 թ. թիվ 163 նիստում

ՀՀ ԳԱԱ ԳԿՄԿ տնօրեն

Ա. Սարգսյան

Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱՅԻ
ԳԻՏԱԿՐԹԱԿԱՆ ՄԻՋԱԶԳԱՅԻՆ ԿԵՆՏՐՈՆԻ ՈՒՍԱՆՈՂԱԿԱՆ ՆՊԱՍՏԻ ՁԵՎՈՎ
ՈՒՍՄԱՆ ԿՃԱՐԻ ՓՈԽՀԱՏՈՒՅՄԱՆ (ԼՐԻՎ ԿԱՄ ՄԱՍՆԱԿԻ ԶԵՂԶԻ) ԵՎ
ՓՈԽԱՏԵՂՄԱՆ

ԸՆԴՀԱՆՈՒՐ ԴՐՈՒՅԹՆԵՐ

1. ՀՀ ԳԱԱ գիտակրթական միջազգային կենտրոնի (այսուհետ՝ ԳԿՄԿ) նպաստի ձևով ուսման վճարի փոխհատուցման (լրիվ կամ մասնակի զեղչ) և փոխատեղման կարգը (այսուհետ՝ կարգ) սահմանում է ԳԿՄԿ ուսման վարձավճարի լրիվ կամ մասնակի փոխհատուցման ձևով ուսանողական նպաստի (լրիվ կամ մասնակի զեղչի) հատկացման, նպաստի ձևով ուսման վճարի փոխհատուցման չափը և պայմանները, ինչպես նաև փոխատեղման՝ վճարովի համակարգից անվճար համակարգ տեղափոխվելու կարգը:

2. Սույն կարգի իրավական հիմքերն են Հայաստանի Հանրապետության օրենքները, կառավարության որոշումները, Հայաստանի Հանրապետության ԿԳՄՍ նախարարի հրամանները, ԳԿՄԿ կանոնադրությունը և այլ իրավական ակտերը:

3. Ուսանողական վարձը լրիվ կամ մասնակի փոխհատուցվում է Հայաստանի Հանրապետության պետական բյուջեի ծախսային մասում նախատեսված միջոցների, ԳԿՄԿ ֆինանսական միջոցների, ինչպես նաև Հայաստանի Հանրապետության օրենսդրությամբ չարգելված այլ աղբյուրների հաշվին:

ՈՒՍԱՆՈՂԱԿԱՆ ՆՊԱՍՏԻ ՁԵՎՈՎ ՈՒՍՄԱՆ ՎԱՐՁԱՎՃԱՐԻ ԼՐԻՎ ՓՈՒՏՀԱՏՈՒՑՈՒՄ ՏՐԱՄԱԴՐԵԼՈՒ ԿԱՐԳԸ ԵՎ ՊԱՅՄԱՆՆԵՐԸ

4. Պետության կողմից ուսանողական նպաստի ձևով, մրցութային հիմունքով, ուսման վարձավճարի լրիվ փոխհատուցում տրամադրվում է՝

4.1. մեկ ուսումնական տարվա քննությունների և ստուգարքների արդյունքներով առավել բարձր գնահատական ունեցող ուսանողներին՝ մրցութային կարգով: Մասնավորապես՝

ա) առաջին կուրսում նպաստի ձևով ուսման վճարի լրիվ փոխհատուցում տրամադրվում է պետության կողմից ուսանողական նպաստների ձևով ուսման վարձի լրիվ փոխհատուցմամբ (անվճար) հիմունքներով ընդունված ուսանողներին:

բ) մեկ ուսումնական տարվա քննությունների և ստուգարքների արդյունքներով 2-րդ և 3-րդ կուրս փոխադրված առավել բարձր առաջադիմություն ունեցող ուսանողներին:

գ) թափուր տեղեր առաջանալու դեպքում նպաստի ձևով ուսման վճարի լրիվ փոխհատուցումը կարող է տրամադրվել տվյալ մասնագիտության այլ կրթական ծրագրերի ուսանողներին:

4.2. օրենքով նախատեսված հետևյալ սոցիալական խմբերում ընդգրկված անձանց.

ա) «Առանց ծնողական խնամքի մնացած երեխաների սոցիալական պաշտպանության մասին» Հայաստանի Հանրապետության օրենքով սահմանված առանց ծնողական խնամքի մնացած երեխաների, ինչպես նաև առանց ծնողական խնամքի մնացած երեխաների թվին պատկանող մինչև 23 տարեկան անձանց,

բ) 1-ին, 2-րդ խմբի հաշմանդամություն ունեցող և հաշմանդամ երեխա ճանաչված անձանց,

գ) ժամկետային պարտադիր զինվորական ծառայության ժամանակ ծառայողական պարտականությունները կատարելիս 1-ին և 2-րդ խմբի հաշմանդամության զինվորական կենսաթոշակի իրավունք ունեցող նախկին զինծառայողներին՝ համաձայն Ձինվորական ծառայության և զինծառայողի կարգավիճակի մասին Հայաստանի Հանրապետության օրենքի,

դ) զոհված (մահացած) զինծառայողների մինչև մինչև 27 տարեկան զավակներին, ծնողներին, ամուսնուն (կնոջը)՝ համաձայն «Ձինվորական ծառայության և զինծառայողի կարգավիճակի մասին» Հայաստանի Հանրապետության օրենքի,

ե) պետության համար առաջնահերթություն և կարևորություն ներկայացնող մասնագիտություններով նպատակային ուսուցմամբ ընդունված ուսանողներին, ընդ որում, Հայաստանի Հանրապետության կառավարության որոշումներով կարող են սահմանվել նպատակային ուսուցմամբ ընդունված ուսանողների ուսման վճարի փոխհատուցման այլ պայմաններ:

ՈՒՍԱՆՈՂԱԿԱՆ ՆՊԱՍՏԻ ՁԵՎՈՎ ՈՒՍՄԱՆ ՎԱՐՁԱՎՃԱՐԻ ՄԱՍՆԱԿԻ
ՓՈԽՀԱՏՈՒՑՈՒՄ ՏՐԱՄԱԴՐԵԼՈՒ ԿԱՐԳԸ ԵՎ ՊԱՅՄԱՆՆԵՐԸ

5. Պետության կողմից ուսանողական նպաստի ձևով ուսման վճարի մասնակի փոխհատուցում, ըստ առաջադիմության, տրամադրում է՝

ա) ընտանիքների անապահովության սահմանային միավորից բարձր միավորներ ունեցող ուսանողներին՝ սույն կարգի 6-րդ և 7-րդ կետերին համապատասխան.

բ) սոցիալական աջակցություն ստացող սահմանամերձ համայնքների բնակավայրերում հաշվառված և վերջին հինգ տարում մշտապես բնակվող ու տվյալ համայնքի հանրակրթական ուսումնական հաստատությունն ավարտած ուսանողներին.

գ) մարտական գործողություններին մասնակցած ուսանողներին.

6. Ընտանիքի սոցիալական գնահատման համակարգում հաշվառված՝ Հայաստանի Հանրապետության կառավարության կողմից յուրաքանչյուր տարի սահմանվող ընտանիքի անապահովության սահմանային միավորից բարձր միավորներ ունեցող հետևյալ խմբերին՝

ա) մինչև 5,00 միավորով բարձր անապահովության միավոր ունեցող ընտանիքի անդամ հանդիսացող ուսանողներին՝ ուսման վճարի 50 տոկոսի չափով,

բ) 5,01-10,00 միավորով բարձր անապահովության միավոր ունեցող ընտանիքի անդամ հանդիսացող ուսանողներին՝ ուսման վճարի 60 տոկոսի չափով,

գ) 10,01-15,00 միավորով բարձր անապահովության միավոր ունեցող ընտանիքի անդամ հանդիսացող ուսանողներին՝ ուսման վճարի 70 տոկոսի չափով,

դ) 15,01-20,00 միավորով բարձր անապահովության միավոր ունեցող ընտանիքի անդամ հանդիսացող ուսանողներին՝ ուսման վճարի 80 տոկոսի չափով,

ե) 20,01-ից բարձր անապահովության միավոր ունեցող ընտանիքի անդամ հանդիսացող ուսանողներին՝ ուսման վճարի 90 տոկոսի չափով:

Ընդ որում՝ առաջին կուրսում նախորդ կրթական աստիճանի ՄՈԳ-ի 60 տոկոսի, իսկ հաջորդ կուրսերում՝ ՄՈԳ-ի առավելագույն արժեքի առնվազն 70 տոկոսի շեմն ապահովելու դեպքում:

6.1. Սույն կարգի 6-րդ կետով սահմանված փոխհատուցում ստանալու համար ուսանողն իր ընտանիքի անապահովության միավորի վերաբերյալ սոցիալական

ծառայություններ մատուցող տարածքային մարմնի տրամադրած տեղեկանքը ԳԿՄԿ-ին է ներկայացվում յուրաքանչյուր կիսամյակ:

7. Սույն կարգի 5-րդ կետի բ, գ ենթակետերով սահմանված ուսանողների խմբերին փոխհատուցում տրամադրվում է՝

ա. նախորդ ուսումնական տարվա արդյունքներով ՄՈԳ-ի 12-14 միավոր ունեցող ուսանողներին՝ տարեկան ուսման վճարի 50 տոկոսի չափով,

բ. նախորդ ուսումնական տարվա արդյունքներով ՄՈԳ-ի 14-16 միավոր ունեցող ուսանողներին՝ տարեկան ուսման վճարի 60 տոկոսի չափով,

գ. նախորդ ուսումնական տարվա արդյունքներով ՄՈԳ-ի 16 և բարձր միավոր ունեցող ուսանողներին՝ տարեկան ուսման վճարի 70 տոկոսի չափով:

7.1. Սույն կարգի 5-րդ կետի բ, գ ենթակետերով սահմանված ուսանողների խմբերին փոխհատուցում տրամադրվում է՝

1) առաջին կուրս ընդունված ուսանողներին՝ նախորդ կրթական աստիճանի ՄՈԳ-ի 14 միավոր ունեցող ուսանողներին՝ տարեկան ուսման վճարի 50 տոկոսի չափով.

2) հաջորդ կուրսերում՝

ա. նախորդ ուսումնական տարվա արդյունքներով ՄՈԳ-ի 14-16 միավոր ունեցող ուսանողներին՝ տարեկան ուսման վճարի 50 տոկոսի չափով,

բ. նախորդ ուսումնական տարվա արդյունքներով 16-ից բարձր ՄՈԳ ունեցող ուսանողներին՝ տարեկան ուսման վճարի 70 տոկոսի չափով:

8. ԳԿՄԿ-ը վճարովի համակարգում սովորող ուսանողական համակազմի առնվազն տասը տոկոսին, ուսանողների վարձավճարներից գոյացած բյուջեի առնվազն յոթ տոկոսի չափով, իր միջոցների հաշվին, հիմք ընդունելով բարձր առաջադիմությունը և սոցիալական խումբը, իրականացնում է ուսանողական նպաստի ձևով ուսման վարձավճարի մասնակի փոխհատուցում հետևյալ կարգավիճակ ունեցող ուսանողներին.

8.1. 23 տարին չլրացած միակողմանի ծնողազուրկ (միածնող) ուսանողներին՝ 50 տոկոս:

8.2. Մինչև մեկ տարեկան երեխա ունեցող ուսանողներին՝ 50 տոկոս:

8.3. Երեք և ավելի անչափահաս կամ երեք և ավելի ուսանող երեխա ունեցող ընտանիքների ուսանողներին՝ 30 տոկոս:

8.4. 1-ին կամ 2-րդ խմբի հաշմանդամ ծնող ունեցող ուսանողներին՝ 30 տոկոս:

8.5. Մարտական հերթապահություն իրականացանող զորամասերում մարտական հերթապահության մեջ ընդգրված պարտադիր ժամկետային զինվորական ծառայություն անցած ուսանողներին (համապատասխան փաստաթղթերի ներկայացման դեպքում)՝ առնվազն 30 տոկոս:

8.6. Մարտական գործողությունների մասնակիցների երեխա ուսանողներին, ինչպես նաև մարտական գործողությունների մասնակիցների ամուսին, կին կարգավիճակ ունեցող ուսանողներին (համապատասխան փաստաթղթերի ներկայացման դեպքում)՝ առնվազն 30 տոկոս:

8.7. Մարտական գործողություններին մասնակից ուսանողներին՝ զինվորական գրքույկում համապատասխան նշման առկայության պարագայում՝ անկախ ՄՈԳ-ի սահմանված շեմից՝ առնվազն 50 տոկոս:

8.8. Սոցիալապես անապահով (ընտանիքների ապահովության գնահատման համակարգում հաշվառված) ուսանողներին՝ առնվազն 20 տոկոս:

8.9. Սահմանամերձ կամ բարձր լեռնային բնակավայրերի ուսանողներին՝ առնվազն 20 տոկոս:

8.10. Ուսանողական նպաստների համակարգում չընդգրկված, երկու կիսամյակ անընդմեջ առավել բարձր առաջադիմություն ցուցաբերած ուսանողներին, որոնք ուսանողական նպաստի ձևով ուսման վարձավճարի լրիվ փոխհատուցման համար անցկացված փոխատեղման մրցույթի արդյունքում զրկվել են նպաստի իրավունքից մինչև 0.1 միավոր տարբերության պատճառով, առնվազն 50 տոկոս:

8.11. ԳԿՄԿ համակարգում հիմնական աշխատանքային պայմանագրով աշխատող-ուսանողներին, նրանց երեխա-ուսանողներին, ինչպես նաև ընտանիքի անդամ հանդիսացող աշխատողի ամուսնուն (կնոջը)՝ 50 տոկոսի չափով:

8.12. ՀՀ ԳԱԱ համակարգում 1 և ավելի տարի հիմնական աշխատանքային պայմանագրով աշխատող-ուսանողներին և նրանց երեխա-ուսանողներին առնվազն 30 տոկոս.

8.13. Առանձնահատուկ դեպքերում՝ այլ կարգավիճակ ունեցող ուսանողներին՝ ՀՀ ԳԿՄԿ-ի մագիստրոսական նպաստները հատկացնելու հարցերով կազմավորված հանձնաժողովի (այսուհետ՝ Մանդատային հանձնաժողով) որոշմամբ:

9. Սույն կարգով սահմանված ուսման վճարի մասնակի փոխհատուցման մի քանի արտոնության հավակնելու դեպքում ուսանողը կարող է օգտվել դրանցից միայն մեկից, որի դեպքում կիրառվում է ուսման վճարի մասնակի փոխհատուցման առավելագույն չափը:

10. Ուսանողական նպաստի ձևով ուսման վարձավճարի մասնակի փոխհատուցումից ուսանողը կարող է օգտվել սահմանված միջին որակական գնահատականի (ՄՈԳ) շեմը հաղթահարելու դեպքում: Անբավարար գնահատական (չստուգված) ստանալու կամ անհարգելի պատճառով քննությանը (ստուգարքին) չներկայանալու դեպքերում ուսանողները ուսման վարձավճարի մասնակի փոխհատուցման իրավունքից չեն օգտվում:

11. Յուրաքանչյուր ուսումնական տարվա համար միջին որակական գնահատականի (ՄՈԳ) շեմը սահմանվում է ԳԿՄԿ տնօրենի հրամանով:

12. Մագիստրատուրայի առկա և հեռակա ուսումնառության վճարովի համակարգերում սովորող ուսանողները ԳԿՄԿ կողմից տրամադրվող ուսման վարձավճարի մասնակի փոխհատուցման իրավունքից օգտվում են ուսումնառության երկրորդ կիսամյակից՝ ամբողջ ուսումնական տարվա համար:

13. Սույն կարգի 8-րդ կետով նախատեսված ուսման վարձավճարի մասնակի փոխհատուցման վերաբերյալ դիմումներն ընդունվում են.

- առկա ուսուցման դեպքում՝ տվյալ ուսումնական տարվա սկզբից մինչև հոկտեմբերի 10-ը:

- հեռակա ուսուցման դեպքում՝ տվյալ ուսումնական տարվա սկզբից մինչև հոկտեմբերի 25-ը:

Սահմանված ժամկետների ավարտից հետո ներկայացված ուսման վարձավճարի մասնակի փոխհատուցման վերաբերյալ դիմումները ենթակա չեն քննարկման:

14. ԳԿՄԿ-ում ուսումնական տարին սկսելուն նախորդող և հաջորդող երկու շաբաթների ընթացքում իրականացվում է փոխատեղում՝ ըստ մասնագիտությունների:

Փոխատեղման արդյունքում անվճար համակարգում ընդգրկված, սակայն նախորդ ուսումնական տարվա արդյունքներով բարձր առաջադիմություն չցուցաբերած ուսանողներն ընդգրկվում են վճարովի համակարգ, իսկ վճարովի համակարգի բարձր առաջադիմություն ունեցող ուսանողները՝ անվճար ուսուցման համակարգ: ԳԿՄԿ տնօրենի կողմից հրապարակվում է անվճար և վճարովի համակարգ անցած ուսանողների ցանկը և պատշաճ կերպով տեղեկացվում է ուսանողներին:

15. Սույն կարգի 4.1-րդ կետի համաձայն տրամադրվող ուսման վարձավճարի լրիվ փոխհատուցման իրավունքից հրաժարվելու վերաբերյալ դիմումներն ընդունվում են մինչև յուրաքանչյուր տարվա հուլիսի 1-ը և դրանց քննարկումը կազմակերպվում է սույն կարգի 21-րդ կետում նշված մանդատային հանձնաժողովի կողմից:

16. Հարգելի պատճառով (ակադեմիական արձակուրդի, առողջական վիճակի, զինծառայության մեկնելու կամ ուսանողական փոխանակման ծրագրերով արտասահման ուսումնառության գործուղվելու կապակցությամբ, ինչպես նաև իր դիմումի համաձայն) ուսումնառությունն ընդհատած ուսանողը ուսանողական իրավունքները վերականգնելիս պահպանում է նախկինում ունեցած ուսանողական նպաստ ստանալու իրավունքը:

Ուսանողական նպաստի ձևով ուսման վարձավճարի լրիվ փոխհատուցման իրավունքից օգտվող ուսանողի կողմից հարգելի պատճառով ուսումնառությունն ընդհատելու դեպքում ազատված ուսանողական նպաստը նույն կուրսում տվյալ ուսումնական տարում չի օգտագործվում և հետագայում ավելացվում է այն կուրսի տվյալ ուսումնական տարվա ուսանողական նպաստներին, որտեղ ուսանողը վերականգնում է իր ուսանողական իրավունքները:

17. Այլ պատճառներով ուսումնառությունն ընդհատած, այլ բուհերից, ԳԿՄԿ այլ մասնագիտություններից կամ հեռակա ուսումնառության համակարգից առկա, կամ առկա ուսումնառության համակարգից հեռակա ուսումնառության համակարգ տեղափոխված ուսանողները, ուսման վարձավճարի լրիվ փոխհատուցման իրավունքից

կարող են օգտվել ԳԿՄԿ-ում տվյալ մասնագիտությունում, առկա ուսուցման համակարգում մեկ ուսումնական տարի սովորելուց հետո, իսկ ուսման վարձավճարի մասնակի փոխհատուցման իրավունքից առկա և հեռակա ուսումնառության համակարգում մեկ կիսամյակ սովորելուց հետո:

18. Սույն կարգի 8.10. ենթակետում սահմանված կարգով ուսման վարձավճարի մասնակի փոխհատուցման իրավունքից կարող են օգտվել միայն առկա ուսուցմամբ ընդունված ուսանողները:

19. Սույն կարգի 4.1. ենթակետում նշված ուսանողների համար մրցույթը կազմակերպվում է մինչև յուրաքանչյուր տարվա սեպտեմբերի 1-ը, նախորդող ուսումնական տարվա յուրաքանչյուր կիսամյակի քննաշրջանի համար սահմանված ժամանակահատվածում հանձնած քննությունների և ստուգարքների արդյունքների (ՄՈԳԻ) հիման վրա: ՄՈԳ-ը հաշվարկվում է ԳԿՄԿ-ում գործող գիտելիքների գնահատման սանդղակի կիրառմամբ (հարյուրերորդականի ճշտությամբ): Հավասար ցուցանիշների դեպքում միավորները հաշվարկվում են առանց կլորացման: Ուսման վարձավճարի լրիվ փոխհատուցման համար անցկացվող մրցույթին չեն կարող մասնակցել ակադեմիական պարտքերով քննաշրջանը ավարտած մագիստրանտները: Ըստ առաջադիմության՝ ՄՈԳ-ի, ձևավորվում է տվյալ կուրսի տվյալ մասնագիտության ուսման վարձավճարի լրիվ փոխհատուցման իրավունք ունեցող ուսանողների ցուցակը:

20. Փոխատեղման ժամանակ առաջադիմության արդյունքների հավասար միավորների դեպքում առաջնահերթությունը տրվում է՝

ա) պետական կրթական չափորոշիչով հաստատված ընդհանուր և հատուկ մասնագիտական առարկաներից առավել բարձր միավոր ստացած ուսանողներին.

բ) նախորդ տարում անվճար համակարգում սովորող ուսանողներին.

գ) քիչ բացակայություններ ունեցող ուսանողներին.

դ) սոցիալապես առավել անապահով վիճակում գտնվող ուսանողներին՝ համապատասխան փաստաթղթերի առկայության դեպքում.

ե) զինվորական ծառայությունից զորացրված ուսանողներին:

21. Սույն կարգի 19-րդ կետում նշված ցուցակը ԳԿՄԿ դեկանի կողմից ներկայացվում է կենտրոնի մանդատային հանձնաժողովի քննարկմանը, որի կազմը

հաստատվում է ԳԿՄԿ տնօրենի հրամանով: Մանդատային հանձնաժողովի կազմում ընդգրկվում են ԳԿՄԿ ղեկանը, ԳԿՄԿ ուսումնական մասի պետը, ղեկանատի գլխավոր մասնագետը, իրավախորհրդատուն, ֆինանսիստը և ուսանողական խորհրդի ներկայացուցիչը:

22. Մանդատային հանձնաժողովը, ըստ տվյալ կուրսի տվյալ մասնագիտությանը հատկացված նպաստների թվաքանակի, իրականացնում է մրցույթ և կազմում է ուսման վարձավճարի լրիվ փոխհատուցման իրավունք ունեցող ուսանողների ցուցակը: Կազմվում է արձանագրություն (2 օրինակից), որտեղ պարտադիր կարգով գրանցվում են մանդատային հանձնաժողովի անդամների կողմից արտահայտված կարծիքները և հնարավոր վերապահումները: Արձանագրությունը և մրցութային ցուցակը ստորագրվում են մանդատային հանձնաժողովի նախագահի և անդամների կողմից:

23. Սույն կարգի 22-րդ կետում նշված ցուցակը և արձանագրությունները մինչև յուրաքանչյուր տարվա սեպտեմբերի 1-ը, ղեկանի կողմից ներկայացվում են ՀՀ ԳԿՄԿ գիտական խորհրդի դիտարկմանը և հաստատմանը:

24. ԳԿՄԿ մանդատային հանձնաժողովի կողմից հաստատված ցուցակները հրապարակվում են մեկօրյա ժամկետում: Ցուցակի վերաբերյալ դիմում-բողոքները երեք աշխատանքային օրվա ընթացքում պետք է ներկայացվեն ԳԿՄԿ գիտական խորհրդին: ԳԿՄԿ գիտական խորհուրդը քննարկում է ներկայացված դիմում-բողոքները (եթե այդպիսիք կան), հաստատում է ուսանողական նպաստի ձևով ուսման վարձավճարի լրիվ փոխհատուցում ստացող ուսանողների վերջնական ցուցակները և այն հրամանագրման նպատակով ներկայացնում է ԳԿՄԿ տնօրենին:

25. ԳԿՄԿ տնօրենի հրամանով ուսման վարձավճարի լրիվ փոխհատուցում ստացող ուսանողների հրամանագրումից հետո ուսանողների այլ ուսումնական հաստատություն կամ այլ ամբիոն փոխադրվելու, ինչպես նաև Կենտրոնից ազատվելու դեպքերում ազատված ուսանողական նպաստներն այլ ուսանողների չեն տրամադրվում:

26. ԳԿՄԿ տնօրենի հրամանում պարտադիր կարգով նշվում է ուսանողական նպաստի տրամադրման ժամկետը՝ տվյալ տարվա սեպտեմբերի 1-ից մինչև հաջորդ տարվա օգոստոսի 31-ը: